

櫻華館全集

檀華館詩集目錄

卷一

姚伯昂鎖院放雞圖

陳石士借藤圖

涂行可采藥圖

保定南關阻雨

過內邱

趙州

贈友

途中

渡河至孟縣

石河早發

陝郊

黃昏

雁塔

荷花生日歌爲伊閣學壽二首

寶雞令周明府壽詩

李瞻園敬業圖二首

送許明府之官粵東二首

桐陰課孫圖

空憶

龔聲甫同年問石圖

陸秀山孝廉攜道室郭姬入都館那尙書爲記室暇
日過從聽琴啜茗郭姬索詩題其自畫梅雪美人

圖上三首

題顧節母傳後

贈常雲門

淡雲溪明府漆園詠蝶圖二首

王魯泉指揮綠天園圖

題王蓬心先生畫

姚松亭鴿鴿橫幅

鄭竹溪少府小照

輓賈蒼山都督

重陽前七日與張褰堂朱子相吳亞農飲菊花下聯

句得戊字

顧蘭國薌林晚秀圖

壽龍太母

贈洪江門

題魏蔗門灌園小照四首

踏雪二首

金若人蘭桂承歡圖二首

周理之明府小照三首

南山老鶴行爲鄂令楊東川作

班定遠祠

鳳女臺

暑夜

見慎莊學畫作詩示之

早歲

卷二

虎二首

雷芝心茂才口吃有異相兩膝骨各四環列如覆杯
予號曰吃道人又曰八膝居士因贈以詩二首

曉晴

題畫六首

無事

病瘦

睡味四首

病病

乾陽對月

萬里

對鏡二首

夜間急雨追憶曩遊

書生

嚙語二首

夢觀海

除日二首

古柏

蘭

乾州瑛贊臣簽判以西河水見惠色清味甘郡城所
無詩以致謝三首

天然香二首

題齋屋尉曹莪屺蹋囊唼卷後四首

早

樂遊原

喜雨

示慎莊

杏

黑鸚鵡三首

聽李薇生秀才彈琴三首

題畫馬

尋詩

荷花

此身

讀騷

古別離

王石谷瀟湘秋霽圖爲張鹿樵舍人珍藏馬秋葑師
見而奪之十五年前時得展玩真神品也三首

早起

憶仙遊寺二首

中興寺二首

人師

咸陽原上作

金二首

村南晚步

瓠落

重陽前三日作

九日登乾州城樓

舉杯

西村

藐姑射

葫蘆

周貞木同年以令弟詩冊屬評夜閒開卷呼鐙執火者不謹誤墮卷上燒痕徹數層其字迹尙可髣髴既加墨戲題一律

清寒

寄家兄文泉

憶六妹

張忠烈公硯爲曹莪屺少府作七首

張福泉秀才畫葡萄一幅題詩其上有不敢妄邀聲
價重龍門可許我同登之句作三絕句答之

浩歌

汗漫歌

詠石五首

開卷

讀罷

鮑子遠昆季四人同作一題子遠文最工余以伯仲
次其甲乙因題一絕

徐晴圃方伯六十壽詩二十首

題戴髯求我圖五首

贈王在揚

小遊仙詩六首

題歐陽文忠公文後

殘碣

種花

凋年急景情緒無
慘院中棠梨桃杏之屬
枝幹蕭槭
有類枯槁諦視枝頭若粟若麥若豆若筍梢若果

核攢簇無數剖之其中層層包孕生意盎然蓋來
年花葉也

偶作

卷三

夜吟

贈別峰上人

蝶

蠶

蠅

蝸牛

蠹

讀任昉傳有感

雨夜

鄰犬

走筆

將去乾陽畱別刺史鮑鐵帆同年四首

題曹莪妃少府舞甕吟四首

落花八首

題魏蔗門孝廉北堂續授圖

小病兩日飲食頓減煮粟米爲粥啜之甚甘

題慎莊畫扇

會垣早發城門尙扁靜坐車中口占一絕

旅館率題

卓犖亭

聞別峰上人圓寂

尋詩

夜行

桃花

壽張母魏孺人

攜酒

緘口

白楊

偶作

木槿

黃楊

人海

曹參

論文示關中諸子

題葉小庚同年天籟軒詞後十一首

題李節母胡宜人傳後

題王竹航琴籟閣詩集六首

張芥航河帥以先世中素東白兩先生遺翰石刻拓

本見贈題五絕句

題查九峰廉訪家居自述卷後二首

題查九峰廉訪紀事詩卷後二首

金馨吾秀才竹林放鶴圖

晏貞女詩

卓海帆先生華嶽雲開立馬看圖

題張芥航河帥願遊二圖

鄧尉看梅
我眉望雪

臨潼旅店絕句九首

送何寅士同年巡撫滇南

陸明府詩

送查九峰廉訪南歸三首

天然棚

王母撫馬氏孤兒圖二首

孫昆園先生江湖高枕圖

題百歲壽母賜果圖爲李時齋孝廉作

贈劉柏園

白溪亭太守遺神木醕酒賦詩爲謝四首

王勉齋明府吳山觀濤圖二首

俞陶泉都轉水窮雲起圖五首

俞陶泉都轉課耕圖四首

題胡碧園觀穫堂詩後六首

題胡恕堂刺史莊嚴無憂羅漢小照

兩姑

傷老

題牛鏡唐方伯桐月聯吟圖卽以送別三首

卷四

魏任軒明府竹閣撫琴圖

雙烈祠行

老安司行

題盧乙峰小照三首

錢

題棣筠堂顏楊合璧石刻卷後

夾竹桃

六月菊

茉莉

鳳仙

晚香玉

千穗穀

向日葵

黃雞冠

悼曾姬八首

書朱勇烈公傳後

蔣小園上舍招同徐朗山孝廉小集家園賦詩以贈
竹石居詩壽楊桂山方伯

蝶夢鞋

段小松荷莊消夏圖三首

壽李柯山廣文

酬曹蓉舫大令惠滇玉尺

哭吳蔗鄉夫子七首

輓劉星堂參軍四首

題陸楷山嗣府小照

書馬虞操傳後

題郭藕舫唐人善業泥拓本

寄牛鏡唐制軍時居請室

鄭女二首

論文

飲王小樓伴研樓

題高金門效顰草四首

溫烈婦辭四首

山陰杜貞女詩

題高希之同年希齋集

哭奎石甫

汪烈女辭

畱別王小樓廣文

愛妾換馬

茅店婚

閩省軒封翁養梧園授經圖

都三百八十八首

附詩餘九首

檀華館詩集卷一

蓋屋路德閨生

姚伯昂

元之

鎖院放雞圖

闈中得雞如買奴
枵腹入門瘦且痛
闈中放雞如縱俘
脫身乍謝樊籠拘
雞乎雞乎爾何辜
一日一隻充官廚
小者如鷄大如烏
皮毛雖具神已枯
談且不能況鬪乎
對此忍令牛刀屠
飼以紅稻分甘腴
幾日毛羽光如濡
試院三月春草鋪
番番好雨澆醜醜
蚍蜉吹笛蛙鼓俱
諸公分校心手劬
院中散步聊須臾
目邊一陣聞朱朱
千百成隊爭來

趨綵翠紅縹紛模糊披拂草縷啄苔鬚矯如翬鶴翔煙蕪
歡如鷗鷺游江湖白日西傾時欲晡廚人舉手遙相呼各
認門戶分歸途風雨相伴長不渝主人一見生歡愉此景
不與新豐殊雜藍豔紫親手摹戲鴨不數僧貫圖放鶴何
事描林逋持此歸去誇朋徒鎖闌風景人間無

陳石士

用光

借藤圖

新城御史真達人看花借得鄰家春隔牆老藤紫花韞根
在鄰家花向我人生安得吳鄧錢羅致紛紛計殊左扶我
撥雲杖攜我流水琴風月孰賓主江山無古今但使六合

以內足可到千里萬里皆園林吁嗟乎世間何物不可借
惟有貴游之光寵豪門之黃金

涂行可采藥圖

我家南山麓山勢如圍屏躡屐恣幽步巖岫窮杳冥上有
古松去天不盈尺大枝小枝盡作蛟螭形其下乃有千歲
之茯苓危峯壁立絕樵路開闢以後無人經琳腴石髓今
豈無世間寶物天所肩良醫之功不在藥診視如別渭與
涇但得扁鵲之目華陀手牛溲馬勃皆通靈不然人獲一
枝動費數家產般人乃似風葉零新城少府古和緩秦中

十載留客星五斗折腰計良苦一卷賸有青囊青此間有
人恃盛壯酷嗜蒜薤雜羶腥土牀夜夜熾薪炭解衣甘就
炮烙刑榮衛太濁藥力小有如撞鐘持寸莛邪氣不除百
病至農夫蒼禾先去螟更有一人太羸弱晝日絕粒宵長
醒槁面黃鹹吁可怖室中尙擁雙娉姪豈無良友進藥石
驟然一笑何曾聽斯術自古等良相賴君一一延其齡我
今走馬青門道柳絲媚地雜花馨春愁萬斛百藥孰可療
不如與君對坐傾綠醕

保定南關阻雨

門外東流水涼波漲幾篙今宵檐際溜明日海中濤牛馬
來蹤斷蛟龍得勢豪淹留吾不恨沽酒待持螯

過內邱

客程過趙北風景類漳南蓋地木棉白登場秋秫甘野僧
貧似勾邨婦健于男隔樹西山遠磬頭露雨三

趙州

買絲爭繡佳公子頗謂平原能好士樓頭一笑紅顏推食
客紛紛來復來我言此事非人情如何浪得憐才名惡客
一言九鼎重美人一死鴻毛輕君不見樂羊啜子甘如飴

功成反使文侯疑又不見吳起殺妻爲求將母死不奔心
早喪公子天下寡恩人可知好士情非真賢者聞風定高
蹈公等碌碌安足論吁嗟乎蹙者足笑者頭千秋恨事良
悠悠我今獨酌中山酒不願將杯滴趙州

贈友

新詞一字一明珠譜出新聲伎姓蘇豔福如君俱不羨羨
君門外有西湖

途中

鳥聲嘈雜水聲聒車上征人睡初覺故園忽在客途間春

樹四圍樓一角

渡河至孟縣

風捲秋濤簸客船黃流滾滾入蒼煙
劃開垓北中原地畱得洪荒太古天
獻策誰堪追賈讓乘槎我亦慕張騫
昔年花縣君休問衰柳蕭疏大道邊

石河早發

膠膠喔喔荒雞鳴古壁塵昏懸短檠
旅客未醒蝴蝶夢山村亂打蝦蟆更
樹頭殘月墮無影衣上曉霜飛有聲
薄酒三盃醉不得令人苦憶河陽城

陝郊

徧地峰巒鬱不平出關形勢莽崢嶸一條黃水塵沙色萬
樹白楊風雨聲野店荒寒無客憩山田犂礪有人耕犢車
滿載斜陽過鐵鑄雙輪分外明

黃昏

落花時節最銷魂剝啄無聲晝閉門研匣怕開書怕展思
量閒事到黃昏

雁塔

韋曲杜曲秋草多吟嘷高下緣坡陀前朝金碧半銷毀雁

王之塔森嵯峨長安城南雁塔二薦福慈恩兩蕭寺少華
難爭太華尊老人提攜幼翹企雷雨無端墮劫灰斧神
斤太犀利小者中裂大獨完慈雲偏仗法王庇此塔創建
永徽年布金佛地求佛憐日宮月殿洞轆轉璇題銀榜深
雕鏡聳三百尺俯平地開四十門當半天爾時萬乘數臨
幸摘藻不乏瀛洲賢重陽幸無風雨至三月況有鶯花妍
貴人無事好遊戲朱輪翠幟來喧闐從古繁華難久駐斜
陽慘淡曲江路春波不照麗人來閒房牘有殘僧住斷碣
茫茫不可尋杏林當日題名處題名欲遣後人知事隔千

年知者誰自來科第因人重豈在紛紛多立碑豎儒窮年
鑽故紙思把鉛黃易青紫一朝得意躡雲梯滿城春風醉
桃李狀頭門外爛泥金燒尾筵前晃霞綺攀鱗附翼豈不
榮不愧榮名人有幾丈夫吐氣成虹霓車載斗量安足齒
劉蕡曾未登巍科李賀何嘗舉進士千古文章千古名不
勒青珉勒青史滄桑變換春復秋史上之名無時休

荷花生日歌爲伊閣學壽

香海瀆瀆波涵空曠曠慧日升天東千葉寶蓮孕奇質不
與凡卉爭春風爾時人間苦澍暑火雲下燭炎方紅移得

靈根植下界四圍煙水青濛濛寶蓋珠幢濯翠激清白一
心泥不染葉葉浮爲太乙舟花花幻作如來眼想見修葺
出水時頓教火宅生涼颺千頃萬頃渺無際吹徧天香作
布施清陰時覆白鷗臥綠波未礙青鴛嬉溪童榜妾折不
得佛力無邊深護持倏又移根傍佛座翠竹黃花競相賀
生性原非婪尾春十行圓時九根大醜酬沼裏清且漣歡
喜園中日似年瑤草琪花有榮悴韜華晦曜全其天我作
一歌爲花壽摘藻遠愧濂溪賢人中莫謂無青蓮有人生
在蓮華前

又代

繡服緋驂貴文絃武帳才天南星爛朗關內嶽崔嵬閱
人間陸聲華日下裴一行騰雁序千里看龍媒寶塔鐫名
早倉曹筮仕纔三年經考課大吏擢奇瑰手把生花筆身
遊視草臺詞章富燕許風雅數鄒枚法炬金蓮撤清標玉
筍栽讀書中祕到講易 御筵開 北闕溫綸降南州使
節來餘糧饒水國挽粟迅風梳時復爲周翰甯惟阜
舜財民情胥舞朴 帝命不遲徊秦隴封疆重 朝廷
法網恢念茲椎魯輩同是 聖人孩雀鼠多爭訟鷹鷂

喜擊摧惟公明允斷與眾腹心推水定魚知樂天空鳥不
猜壺中冰皎皎堂上鏡皚皚憶昔牙璋出無勞羽檄催神
羊無枉屈戎馬息喧逐蟻潰仍搜穴騷驅早駐雷抽毫書
露布揚扇埽風埃淑問方嘉乃成功實壯哉鸞書承寵
錫雀弁表丰裁南山軍功出入帷寨郭歡娛綵舞萊午橋
營梓里春色駐蘭陔遙問平反喜如將笑語陪永思家法
守不負國恩培暇日披青簡生機看綠苔吟情靈運草
令弟仰山賦興廣平梅武庫森羅列文瀾喜溯洄鄴籤三
官比部萬插剡紙八千堆時設畱賓榻同銜樂聖杯澄心評翰墨

妙舌雜嘲詼桃李門前樹茯苓籠裏材非徒賞神駿兼欲
策駑駘賤子甘師董先生有鑄回握衣趨廣席問字酌新
醅日永園傾藿雲深市蔭槐龍門千仞闢鶴算九疇該此
日瞻威鳳他年介者鮒和羹還豫卜卿霽接三能

寶雞令周明府壽詩

甲紀占初度寅衷契至誠濂溪絲舊派崧嶽鬱層岳人比
春雲潤官殊夏日嚴雞鳴曾訪勝魚挂早懲饒鏡想澄心
照碑教眾口劖千株棠徧種一本薤親芟往歲歌行役妖
星快掃欂人方臚額頌
帝許換頭銜堂上鷓應集門

中鳥不凡公庭歡舞綵學海看揚帆競爽推羣趙芳名菓
籍咸聯駢輝仕版次第著朝衫擢秀培蘭桂舒翹萃檜杉
籊梯鳧鳥健剡鼎雉羹鹹青簡丹邱貯黃麻紫綺緘南山
蒸瑞靄西望碧嶼嶼

李瞻園敬業圖

退食仍趨弟子行平泉嘉樹鬱千章一家風月陪書幌六
代江山拱壻鄉顏色照人冰朗朗古今墜緒□茫茫門前
桃李新陰盛同祝南豐一瓣香

生綃畫本耐摩挲八十年來等逝波快壻當時稱衛玠名

孫今日見甘羅一編較勝金贏積奕葉同將石硯磨述德
不須嗟謝句召公墩畔口碑多

送許明府之官粵東

拔茅曾許冠羣英黃綬旋催嶺外行梅雪香霏楊子宅荔
雲紅抱尉佗城江濤涉處雙鳧穩齋閣開時一鶴迎夙其
粉鄉今萬里捧輪爭得不屏營

長途先著祖生鞭花縣看花正少年官解慈悲元是佛吏
能瀟灑便如仙馴羊妙訣名師授驅鱷文章眾口傳莫把
歸囊誇陸賈椰瓢只許酌廉泉

桐陰課孫圖

傳經兩載並英英，雛鳳還如老鳳清。
一卷自饒行樂法，滿堂都是讀書聲。
桂香結子齊呈秀，桐老生孫各向榮。
莫笑儒家無長物，勝他辛苦積金籬。

空憶

沙禽何事羨鵬搏，爭向秋風刷羽翰。
不遇仙人休進履，幾多名輩誤彈冠。
陳情有表誰能果，招隱爲詩本不難。
空憶富春江上客，水雲千頃一漁竿。

龔聲甫同年

錄

問石圖

聲甫有石腸嗜好與人異我乃碌碌材雕琢不成器兩石
俱能言舌在反覺贅旁有石丈人無語澹相對不醉亦不
醒如坐復如睡我胸疑竇多千百舉一二媧皇鍊五色汝
竟遭淪棄諒汝太硜硜趨炎非所計天上旣無緣人間亦
多事爾時引纏人百目亦物備汝一一見之代遠甯不記
怪事傳魏榆恨不閤清議豈有妖物憑或者精靈至亦如
穀城翁圯上偶遊戲汝堅不可奪彊禦汝豈畏奈何遭祖
龍一鞭從之邁豈其忍須臾亦有子房智茫茫開闢前汝
身將安寄想如人未生胚胎得元氣爾我殊形骸頑性頗

相類人生良有涯汝壽難窮紀念年儻論交相好泯猜忌
我池清且漣爲汝湯沐地池側何所有古苔積寒翠舊雨
無世情他山有同志但說生公法點頭各會意不學米囊
陽禮數太煩碎但隨五柳眠據牀遠俗累不學黃初平神
仙弄狡獪人言五嶽尊一卷汝獨貴人誇璫玉珍粗材我
獨愛聲甫笑解頤笑我辭太費從今且默然有齒不須礪
惟當尋石盟千載結幽契

陸秀山孝廉攜道室郭姬入都館那尙書爲記室暇
日過從聽琴啜茗郭姬索詩題其自畫梅雪美人

圖上

搴簾一笑步娉娉便欲凌雲跨碧鸞料得畫師難著筆自
家寫照與人看

隨郎同作幕中賓但解歡娛不解嘖卻怪梅花風雪裏畫
圖偏有耐寒人

似此公車有幾人客中猶許伴朝雲春風報到紅綾讌懷
餅還應遺細君

題顧節母傳後

李蘅塘學士外姑

嘗盡酸辛味青年到白頭竹斑空有淚薰老不忘憂碑未

鐫齋曰詩宜續柏舟壻鄉畱妙筆信史付千秋

贈常雲門

我生多所好好客兼好酒邇來忝京華結交無不有戴笠
揖搢紳提壺訪屠狗逆旅忽逢君立談不覺久頗愛嗣宗
狂卻忘醜蔑醜感君知己恩與君酌大斗我醉君獨醒聽
君懸河口勉我多讀書戒我寡交友旨哉藥石言有如贈
瓊玖日來訪我客一一評賢否我心無町畦慧不辨苗莠
交深尚茫然一見君能剖甚畏君眼明彌感君情厚朋友
情如斯蒼生定不負阜魃紛爲災咨嗟徧童叟所賴賢使

君霖雨灑□□百里古諸侯豈惟絜瓶守好栽花縣花還
種柳州柳卻愁別期臨何緣常聚首長歌書筮頭清風入
君手

淡雲溪明府漆園詠蝶圖

漆園曾駐使君車管領春風一縣花仙吏襟懷真灑落簿
書叢裏讀南華

一幅滕王蛺蝶圖圖中金粉未模糊不須更覓莊周夢宦
味清時夢亦無

王魯泉指揮

志沂

綠天園圖

吾家正對終南峯門外隱見青芙蓉蜿蜒一氣向東走五
千仞嶽標奇蹤山田可耕水可釣一邱一壑無不妙出門
慣與樵牧逢拄杖且憑鰲鶴導山人構屋傍林泉繞屋竹
樹交清妍兩山各占秦中勝兩人共結山中緣藤屨櫻帽
恣幽賞天公位置良不偏無端忽踏輦紅塵匏繫一官兼
誤君玉女峯巒不可望金吾仕宦聊爾云君懷舊有邈斯
筆落紙往往成煙雲長安米貴文字賤硯田墨稼空辛勤
當年枉種渭川竹腹不負公公負腹畫餅明知莫療饑此
君畢竟能醫俗我補此圖畱爪痕舉頭西望傷離魂歸田

有計患不蚤買山無貲亦空言傾樽且醉十千酒同賞君
家紙上園

題王蓬心先生畫

畫爲先生守永州時老年所作蓋絕筆也藏于家
未署款公子小蓬貳尹贈吾師吳蔗蔴先生師命
題詩其上

寥窈疊嶽橫碧空誰其作者瀟湘翁翁官楚中二十載邱
壑一一羅胸中畫師畫山識山性徒寫面目真雕蟲拈筆
一枝硬如鐵興到安計拙與工胸中奇氣鬱不得傾向紙

上青濛濛筆禿紙盡興未已餘氣化作天邊虹老年作畫
更真率手具造化心猶童此圖不復署名字押尾只有珊
瑚紅爾時趨庭授公古有小米今小蓬先人手澤良可
寶藏家殆與楹書同新安夫子嗜山水賞音如聽鍾子桐
主人持贈意慷慨山陰道士開鵝籠吾師宴客夜置酒晝
又高挂呼奚僮燭奴燈婢圍左右鑪熾獸炭醅顏紅我今
對此有寒意壁閒謾謾生松風

姚松亭鵠鵠橫幅

鵠鵠鵠鵠爾黑如烏不向城頭宿爾形如鷓不慣單棲獨

日出風定松無聲蒼翠晃濛山之麓下有橫斜疏瘦之老
梅旁有灌莽蒙茸之叢竹鳩之鵠之雙眼明適從何來客
不速妙舌何曾試剪刀自然天籟答空谷君不見珠簾繡
戶縣彫籠教就千般語言熟毛羽摧殘還自憐羨殺天邊
雨黃鵠何如飛集寥廓閒雄雌啁哳自相逐不到人家喚
煮茶那隨鸚鵡啄殘粟憑他世上人張羅其奈山中鳥擇
木山木穩可棲山泉清可浴三三五五游戲豈不樂胡爲
跳入籠中自局促又況造物假汝以羽翰一旦強學人言
定非福松亭少府黃山樵寫生手弄千毫禿邇來捧檄遊

涇陽日向衙齋理鼠獄少府案頭堆簿書少府筆端富珠
玉畫長弄墨斟清樽夜深攤紙藝官燭曾爲吾師寫此圖
花鳥分明春一幅君家武功尉佳句萬人讀君今作畫師
千載躡高躅乞君爲我圖帳檐容我匡牀醉醺醪從此六
一先生夜夜夢中游飛來飛去但見千林綠

鄭竹溪少府小照

半日科頭坐官閒早放衙酒傾鸚母棧軒對鼠姑花五斗
宦情淡十分春意奢一叢書帶草珍重在君家

輓賈蒼山都督

黯黯愁雲弔雙鶴道是東南將星落素旄飄零歸渭陽黃
童白叟同心傷我今乞假返桑梓舊雨不見悲何似昔年
大被共姜肱聽到虞歌心自驚斗酒隻雞奠君側知交不
負平生盟

重陽前七日與張駸堂朱子相吳亞農飲菊花下聯

句得戊字

嘉慶歲丙子九月日在戊商飈送寒來生田家趣秋收一

聲征雁哀亞幾樹暮鴉逗天陰雲氣濃聚山暝雨意驟節

序逼重陽子情懷鬱殘書出門曠蕭條生觀書厭句讀頓

生羈客懷

亞農

難得故人就新題偶拈鬪

堂髮

唵朋競入穀已

把愁魔降

子相

但少酒兵鬪緩步到庭階

生閨

寒香襲襟袖羣

芳日已衰

亞農

晚節秋獨茂密疏相間開

堂髮

黃白互雜綵曾

付園丁栽

子相

不向市人購癡蝶苦未知

生閨

暗蛩詎能呪怪

石骨嶙峋

亞農

醜樹腰偃偻左右互支撐

堂髮

高低並輻輳傍

根插籬扶

子相

護花施障覆莖曲迴牆坳

生閨

葉污承檐溜豈

畏嚴霜嚴

亞農

偏宜陋室陋列坐環石牀

堂髮

清賞酌香酎盃

冷長獨醒

子相

花傲未肯侑高枝勞仰攀

生閨

幽馥近前覿對

我淡無言

亞農

爲君祝多壽最喜酒盈樽

堂髮

不覺壺滴漏觥

使候階前

子相

燭奴立座右夜明光更幽

生閨

砌荒影彌瘦蹤

跡甘寂寞

亞農

姿致謝雕鏤墨筆屢乾

裝堂

催詩鉢頻扣韻

險不厭搜

子相

句工未敢狃高齋息喧譁

生閨

冷炙紛釘餽談

深增古歡

亞農

趣佳逮童幼花無憔悴心

裝堂

人鮮差池臭有

約同持螯

子相

良會不難又

生閨

顧蘭國薈林晚秀圖

薈林老居士觀書鄙訓詁中歲學申韓活民意良苦解網

甍困鱗開籠縱羈羽抱子雖稍遲天心詎難覩商飈動高

林丹桂晚香吐靈根問廣寒肯與羣芳伍連蜷畫圖中寫

照在阿堵競誇郗詵一可抵竇家五陰德貽子孫願公力
益努由來于公門卽在芙蓉府

壽龍太母

在昔陶士行母訓深提撕截髮畱客醉佳士經品題今聞
龍子母賢與陶母齊南澗歌采藻中饋勤蒸梨相夫勵行
表德若璋與珪至老神益健蚤起先鳴雞紡磚時在手屏
當到鹽齋教子成名往來皆阮嵇每當槐忙候不惜囊
中齋慈雲被寒土浩浩無町畦推解良不易況乃出深閨
陰德貽孫子往事俱可稽行開百歲坊 寵光宣紫泥

贈洪江門

故人捧檄賦西征握手重逢唱渭城

君轉餉蘭州

蓼國飛鳧仙

令尹秦關戎馬舊書生

君以軍功始令

謝公述德詩畱壁

君題青家

驛壁詩紀大父聖洲公事公會守延安崇祀名宦

穎士憐才僕紀程

紀綱能詩識否當

年徐孺子鬢邊今已白千莖

題魏蔗門灌園小照

商飈撼黃葉吹落浮雲端誰與抗造化松柏青丸丸幽人
觀物化孤立松柏閒須眉一何古襟袖不覺單晚菘三兩
畦畦上揚晴瀾食肉豈無相蔽根良獨難豪家鬪烹飶未

可口儒酸霜餘且休刈與君同歲寒

腹中千卷書足下萬餘里世味飽嘗時何者是甘旨邇來
擁皋比春風扇桃李研田身自耕逢人免呼癸讀書綠野
堂

君主講綠野書院

賢人亦樂此門生議食單不羨侯鯖美第一

心子菜次以雙弓米

一畦寒意半青黃鎮日呼僮抱甕忙園到秋來看有趣菜
緣手種齧逾香荔枝三百他鄉味斗酒十千久客場懷抱
只今清似水書佳不換大官羊

綠野堂多問字車年來新換好菑畬但能食肉非知味不

信窺園礙讀書騷客情懷寄松菊高人蹤跡混樵漁畫圖
惹我還鄉夢蕪浦秋風思有餘

踏雪

行過山隈更水隈茫茫不復辨莓苔誰家獵馬恣恣去有
箇唵驢款款來人在畫圖呈粉本天然遊戲到瑤臺路逢
鄰叟殷勤問別墅梅花開未開

鴻爪縱橫滿路歧幽人腰腳也忘疲閒扶藜杖唵初罷冷
逼込鞦韆醉不知定有客來開徑早爲逢僧話到村遲夜遊
莫更燒銀燭疑是前宵步月時

金若人蘭桂承歡圖

秋風飄桂馥春雨茁蘭芽爲有忘憂草同開稱意花捧輿
期後日磨研好生涯想見傳經候堂前擁絳紗
雛鳳還生鳳鬢年筆有神知君多樂事快我得芳鄰舊學
薪傳在高堂荻字新春暉憑報答戲綵豔陽晨

周理之明府小照

我聞古人言小隱隱陵藪無端逐塵鞅巖壑非吾有在山
泉自清出岫雲非偶試問園中花還憶主人否丈夫何事
厭官職但使無人嘲素食寶雞大令濂溪賢簪纓累代傳

清德鳴絃十載南山陲日曰捲簾對山色作吏原如烹小
鮮訟庭晝寂春風妍勸農時復行遐阡黃童白叟紛摩肩
一路秦聲唱麥天先生聽此心陶然惜君來暮願君久勸
君莫辭折腰醜古人出處繫蒼生豈爲區區競升斗千畝
檀欒指渭川嶽蓮況有如椽藕但教葑屋繪幽風休向家
園覓耕耦君不見君子竹兼君子花使君對此成三友
愛蓮兼愛竹何處著塵襟半日科頭坐無言抱膝唸一編
循吏傳十載故園心漫把純鱸憶茹檐望澤深

京華逢小阮

謂芝舫同年

見說嗣宗賢樂事全家其清名萬口

傳畫圖眞面目翰墨舊因緣遙望鳧飛處南山綠到天

南山老鶴行爲鄂令楊東川作

南山有老鶴遙在山頭翔夜宿松上月朝吸雲表漿生不
識腰纏十萬之揚州買亦不事竹林堂上之湘東王飛來
飛去爾無事時與鳥鵲同頡頏牧童樵子識不得咄咄反
怪鵝毛長關西夫子楊使君攜琴來訪南山春鴉孀鳩婦
競相逐凡鳥累百空爾云一聲清唳碧空破使君知是胎
仙過瑤琴一曲招之來羽衣忽向雲端墮紫鳳青鸞世已
無得此不覺笑顏破旁有一客拍手呼使君賞識良非誣

我聞相鶴者貴老不貴雛員吭宮與徵修頸清且臞豈若
金衣公子綠衣鳥但以嫵媚爭歡娛使君令鶴舞上與天
風俱天風一吹片雪起欲下不下神色殊由來相賞在風
塵老眼無花鑑別真使君得鶴如得寶逢人便欲誇奇珍
貴客一見不稱意道此不如家雞馴何曾披筆識仙品翻
把乘軒怪主人主人聞言竟惆悵客亦從旁大失望白衣
蒼狗變須臾世閒萬事原無狀君不見支道林養翮凌霄
稱鶴心又不見林和靖童子開籠識鶴性鶴兮鶴兮放爾
歸故山任爾飛鳴干仞寥廓閒

班定遠祠

一擲毛錐子平生壯志酬蘭臺修史筆未肯易封侯

鳳女臺

紫簫聲斷渺蒼煙翻向層臺望橐泉地下君臣同日葬樓
頭夫婦一時仙含情牛女悲長別學步劉樊愧妙年後代
空教方士誤登真訣祕不曾傳

暑夜

手揮紈扇更番勞脇印桃笙展轉熱調刁枕畔愁驅蠶綵
縵壁閒知有蠹安能鬱鬱掩重幃且復行行敞虛閣僮僕

惡臥縱復橫鈴柝遙聽響還歇樹杪微動涼颿來坐領清
趣無人覺朗唵夜半天宇高千億明星一丸月

見慎莊學畫作詩示之

風雅場中放眼看漫勞優孟著衣冠羣書讀後通神易五
嶽歸來寫照難嗜酒動稱陶靖節工琴亦有董廷蘭要知
凡骨終須換早覓仙人九轉丹

早歲

早歲遊名都中年返衡宇聽言人人殊意不離阿堵士夫
尙如此奚怪商與賈一水千漁簪一山萬樵斧山水亦已

窮漁樵乃接武穰穰同一心我來更何取不謀安所得謀
亦徒自苦不如掩蓬門開卷望千古

再傳弟子河津柴德彰校勘

檀華館詩集卷二

盤屋路德閨生

虎

二首
并序

村西南二十里大秦市今俗名塔兒谷孤村枕山麓村北叢竹數十頃緣坡陀而上直至山巔不見土石竹中時匿豺虎居民多獵戶王某精火銃銃不虛發有園近竹林積菅如山王晨起入園見一雕虎蹲菅下虎頭向內不知王之見已也王潛出至家呼其八歲兒授以蓀使取菅而以火銃躡其

後兒抽管窺窳有聲虎覺躍而起直撲兒王銃旋發虎立斃蓋虎性特猛雖身負數創輒不死咆哮轉甚王必欲中其要害特使兒餌虎俟虎轉身騰躍銃中虎頷下鐵鋌直達心腹故一發卽殪耳設使擊之不中或中而不卽殪王父子殆矣然非王術業素精安肯以愛子爲孤注易此斑斕之皮哉詹何之引巨魚紀昌之射中蝨心痛僂丈人之承蜩用志不紛技進于道今於王某見之不可無詩人生定力能通神王郎手法特高妙霹靂一聲兒不驚猛

虎倒地王郎笑此時最易錯機宜轉瞬遲回虎卽到寢虎
之皮飽虎肉祕訣無多祇神速虎欲搏人翻自戕人不斃
虎將重傷攻心爾定解兵法導窾我亦通文章李將軍死
少陵病安得短衣匹馬隨王郎

又并序

終南山下有農家面山而居無四鄰屋止三間界
一間爲臥室豁其外爲竈舍屋前院落頗敞砌石
爲牆三面繚之正南安單扉焉扉下受樞處敲側
不平每開扉旋復自闔若欲常開則以杙支之俗

呼爲秃扇門一日農出耕支門而去婦方在竈舍
爲炊驀見一虎入院門大駭急入內室堅閉室門
虎至竈舍無所得登竈一蹠踏入沸湯釜中釜立
破蹠陷釜下爲烈火所燎急舉蹠釜破處尖利如
刃復傷之虎躁甚乃騰蹠蹂躪几榻甕盎之屬殆
無完者俄頃虎出竈舍至院門不得出曩虎入時
蹠觸支門之杙杙仆虎入而門闔矣至此虎大窘
以頭觸門門堅不可壞乃奮力騰躍將踰牆牆高
不可踰良久億甚就門側蹲焉俄有里胥催科者

至門外乘醉厲聲曰若負官租不納縣催火迫吾
不能代若受杖若速出當同詣縣門巨婦在內揚
言曰某伯速返無入我家我家有虎胥益怒曰汝
家有虎便敢抗國課耶無嚇我任汝有青師子金
毛犴我亦不懼言訖推門逕入虎見門開一吼而
逸胥仆地上遺矢滿袴久之乃甦卒成廢疾夫閉
門安居而以虎謝客其不信也亦宜豈知天下事
不可以恆情揆哉幸虎利在速逸無心搏噬胥之
不觸爪牙也亦幾幾矣或謂當婦揚言時其瞽情

迫切必有異尋常者惜乎醉里胥不足以知此

夜探虎穴古有人畫入人家今有虎主人堅閉計良得坐
使山君難用武山君祇合居深山麀麀成羣恣汝取出山
容易還山難此虎此時不如鼠不會就擒虎亦幸縱得餘
生人已苦可憐人虎虛驚事後醒悟竟何補虎兮虎兮
恨汝不遇季常妻師吼一聲嚇殺汝

雷芝心

啟秀

茂才口吃有異相兩膝骨各四環列如

覆杯子號曰吃道人又曰入膝居士因贈以詩

首二

辯才天下重汝獨讓人云要識男兒事非關口舌勳期期

周御史艾艾鄧將軍一卷還相示韓非有妙文
本不同疣贅何妨任拇駢異人推鳳頸貴客有鳶肩竝坐
談仍促長唵抱亦便但愁讀書處木榻不勝穿

曉晴

曉天霜重塞鴻低斷磧風高獵馬嘶隴樹秦山秋萬里病
相如在茂陵西

題畫

有序

壬申癸酉閒寓京邸下斜街與馬秋葯師爲鄰日
侍畫几遂學塗抹實未窺六法門徑也久之漸知

其難因輟學每見舊作自覺形穢輒用他人書畫
贖回火之此幅乃十五年前爲同里趙立夫作立
夫慎莊婦翁也及門鮑子遠設計取之刮去其前
款祇存末行三字假趙氏之璧未歸閒道探禰衡
之刺頓失初名作劇亦太巧矣余聞而索觀實非
佳品子遠真嗜痴者哉欲毀之而重違其意爰題

二律歸子遠

十載京華幻夢醒
悔將文筆寫丹青
吳江冷後全無句
秦火燒餘尙有經
不是王維圖竹里
漫勞蕭翼賺蘭亭
披觀

動我登臨興樹杪泉聲試一聽

畫圖重認舊林邱咫尺煙霞付臥遊趙壁忽驚張漢幟吳人應悔借荊州江山風月原無主翰墨因緣未合休笑我名心灰欲盡爪痕還向雪泥留

再題

有序

前詩題罷子遠昆仲及從遊諸子見之各爲和章輿莊亦作長句諸詩多清雅可誦余采其完善者令題卷中畫之上下四旁細書櫛比幾無餘隙昔楚人鬻珠于鄭爲木蘭之櫝飾以玫瑰翡翠今余

之珠遠不如楚人而櫝之美殆將過焉子遠如句
留櫝還珠余將學河上緯蕭人取石鍛之跋數語
不覺技癢又戲成三絕句

毫端曾未滌緇塵多愧唵朋佳句新若把詩篇較圖畫眼
前多少勝藍人

最愛無聲一卷詩滿胸書味鬱多時雙眸願借金篦刮作
箇人間老畫師

卻笑長康號虎頭何曾萬里取封侯寄言立雪門前客馳
譽丹青最可羞

又題有序

子遠既賺得趙氏畫余題詩其上諸從遊者各有和章畫之上下左右殆無隙地一時傳爲韻事懸壁閒數日竟爲夫己氏竊去余畫不足惜題畫諸詩從此遂爲廣陵散心實未忍割愛詩草幸未遺失特就諸本錄爲一冊因念皮之不存毛將安附資別者之屢無爲愛之皆無其本矣暇日令慎莊倣其景爲二幅一歸子遠一自畱繕錄詩章各如其舊竊畫者近在咫尺度不敢公然挂壁自爲敗

露欲售則卷中題跋于他人無當且余素不工畫
卽售亦無善價篋笥深藏將奚爲耶由此觀之則
楚未始存而凡未始亡也再題一詩示諸子

雅好原非貪奪取終武斷旋得亦旋失機心兩相戰螳螂
空見蟬翼鵲忘避彈補牢竟何益誨盜毋乃漫豈是鍾繇
龍壁間去如電詩失尙存稿畫失不容眊癡兒頗好弄學
爺塗抹慣邱壑今未忘追摹計良便雙峯益突兀孤松仍
峭蒨石聲出木末飛泉瀉天半卽此是匡廬何用識眞面
澄波靜琉璃晴霞明組練水亭豁四圍沙嶼橫一綫便思

曳漁蓑柔櫓撥葭菼投竿出霜鱗彈琴送雲雁有志久蹉跎對此發長歎此圖雖兒戲清趣聊可玩楚弓何曾亡魯鼎不妨贖無獨反有偶計窮乃善變舊句成新題珠璣相璀璨草竊者爲誰曖昧殊多幻縱令再肱篋只勞重染翰成虧亦何常得失兩無患披圖向兒說努力學無勅文章數談遷書法有義獻卓哉襄陽翁能事一家擅吾病恐未能汝少力方健凡鳥防人嘲家雞原自賤古人真我師問津必登岸胸無五千卷百巧未可炫爾曹但勤讀風雅不足羨詩成寫二幅左右儼分券佳話傳兩家無作丹青看

無事

元氣爲我舟方輿爲我車車輪自旋轉舟子爭紛挐我爲
無事人安坐行天涯風濤任掀簸軻輻隨傾斜豈不愛軒
冕僑寓非吾家不見富貴人樂極憂轉加我幸處閒曠清
賞聊足誇畦饒彥倫菜園進東陵瓜盆菊雜五色未霜先
已華寓目皆可悅未礙障紅紗食少倍覺美餘芬畱齒牙
飲少得不醉睡味逾清嘉兒曹競誦讀聽慣忘喧譁賓客
略送迎坦率無疵瑕如此亦已足所望原不奢胡爲不自
適瑟縮同寒鴉蒼天尙有缺鍊石勞女媧人若求萬全安

往無怨嗟明日已難料百年何其賒假使我爲農吾將課
桑麻假使我爲賈吾將權鹽茶使我爲將士吾將戰黃沙
使我爲乞匄吾將唱蓮花使我爲魚鳥雲水樂無遮萬事
付天公吾豈爲鎖鑰若令吾自擇所擇還恐差

病瘦

朝飯一盂粥暮飲一盃漿到口輒美入不化竟如白石充
餵糧新得稻蟹味良勝但許鼻觀聞芬芳主人餽客臛臛
鴨門生具饌烹羔羊目饜百食竟何益染指未敢輕一嘗
惟有麴生最交好十年前數高陽狂邇來相對轉惆悵燥

叨纔溼旋停鴈豈真醜飲腹易滿擬爲鯨吸情難償我亦
不知醉鄉去我幾萬里經年未得通津梁誓將卻穀事導
引吐納清濁調陰陽人生元氣本自足世間萬物皆糟糠
況有味外味相餉非尋常墨汁貯我腹書卷撐我腸不嚼
梅花不餐菊舌本往往含古香一時傾吐苦難盡蓄力奚
翅千夫強槁項黃馘任嘲笑目中久已輕曹商昨日風雪
今放晴檐角冰柱垂琳琅空階幽步意蕭散冬日之日何
其長家人掘地窖薯蕷蟻穴一綫穿微茫是時羣蟻俱屏
息惺忪攢聚如蠶房牀下雷聲久銷歇槐南夢裏來驚惶

呼僮搏土急補膏。蠕蠕生意無相妨。轉眄百五迴韶光。予
將候汝於花甌之罇。苔邱之旁。看汝壘土成重岡。元駒健
步馳康莊。人心與汝同徜徉。汝今無恐聊退藏。予亦齋坐
心如忘。蟻兮蟻兮殫汝之力兮。不如當車之螳螂。鬪汝之
智兮。不如轉丸之蛞蝓。今汝尙能潛身絕粒以不死兮。矧
予七尺之昂臧。

睡味

有序

王荆公嗜睡。夏月爲方枕。枕熱卽轉移之時。人謂
知睡味。近人頗多效之。又有爲圓枕者。取其傾側。

不定旋睡旋醒以領其味名警枕始于錢武肅王
司馬溫公嘗仿爲之皆用以警睡非求安適睡主
於安適若頻頻轉移安適何在且夢覺之關曾不
電頃勢不可中立睡則不知知卽非睡睡旣失矣
何味之可言人所云知者非知之于睡中特知之
于醒後耳旣醒而追知之是求馬于唐肆也如云
由醒之睡及其醒時預擬睡味是猶今日適越而
昔至豈能悉其風土人情哉余謂睡誠有味矣然
欲知其味但須善睡不必求知荆公以知知之不

若余以不知知之爲能得其真味也余病脾愈淡
已久飲酒不過一壺去醕酎遠甚藉調榮衛而已
省人事謝賓客晝無勞勩夜寢倍覺恬適製布囊
以菊花菘豆實之爲枕以祛頭風衾無取過厚與
日所著衣相埒人定後就寢衣裳置他處不加衾
上不以衾蒙首且無腥羶肥膿之氣薰蒸口鼻閒
塵慮旣捐夢鮮驚悸安穩達旦習以爲常天下之
知睡味者殆莫余若矣雖然余知之余不能言藉
筆代舌聊作四詩以髣髴其不可名者

無忍寒臥雪幾欲僵袁安無貪煖自縛何苦學蠶繭鑪卻
金鴨薰褥謝綠熊輭隔牖霜竹鳴撲簾風葉捲一身元氣
時往來豈以清羸滯流轉解衣覆被如累炊俄頃已覺春
意滿被角清冷緣空虛側身一裏溫有餘周郎蝶郎不須
問昔也栩栩今遼遼牆陰數武接大道街鼓斷續雞鳴初
何人中夜尙行役百邊隱隱聞驅車

君眠無太早羣動未息苦相攬君眠無過遲頽然一覺殊
草草甲夜方深乙夜淺煖酒三盃得輒飽不會困憊鼻息
微呼吸依然書味嫻昏思盡滌常惺忪和神無著時縹緲

黑甜之鄉莫深入入既深時君不曉自眠自醒無人催如
此光陰願終老憶昔趨直廬衣上霜月皎勞逸苦不均眠
食動顛倒十年嘗盡醒時愁今日方知睡味好睡味大好
知者誰世間畢竟閑人少

日間動作何參差意所到處身隨之夜來就枕局一變縱
任四體心無爲屈伸偃仰無不可妙處反在瞢騰時恍惚
欲醒卻非醒朦朧無知仍有知倏忽何須鑿混沌視聽到
此真希夷天下人心盡如此坐見風俗登皇義吁嗟乎美
味須共嘗妙音願同聽獨聽獨嘗還獨知客來問余余不

應惡睡亦苦醉眠眠轉病此境原模糊此心自清淨說
破已非真罕譬聊可證空山蟄龍春未驚退院老僧夜入
定

明而動晦而休一日之勞未可謝一夕之安聊且偷偷安
未得勞復來夢境恂恂憑空開海蜃吐氣成樓臺彈指萬
變紛驚猜鬼物奇醜跳舞回元蜎綠鵲相喧厖神搖魄動
吁可哀燕息之適何有哉妖夢一何惡好夢還徒勞停雲
自飛動止水生波濤人生精液苦易耗奈何日夜相煎熬
我不羨盧生將相四十年亦不願遊仙枕上求神仙太古

有民無懷葛天彼鄉不遠吾將遊焉

病病

病病翻成病生生卻累生蒼雞慙紀消斟雉羨彭鏗落莫
人閒世虛無身後名君看天上月一歲幾虧盈

乾陽對月

生平細數天邊月盈闕曾經五百回人世榮枯亦如此古
今興廢只堪哀城東秦時餘禾黍山下唐陵翳草萊且對
醪醕開笑口夜深還有素娥陪

萬里

萬里陽關道征塵隔一牆
牆頭飛羽檄牆下穩藜牀
危坐得閒趣高歌生夜涼
鑄金憑大冶詎必作干將

對鏡

舉袖拂塵盞重教濁鏡清
須知真面目不必太分明
願我蒼頭展從他髀肉生
噍成時一笑豈爲博詩名
釣艇與耕蓑閒遊竝醉歌
箇中了無分此外更如何
隱凡人非昔開門事便多
一方青鐵硯七載不會磨

夜間急雨追憶曩遊

菖蒲澗底木橋彎
蕎麥峯頭石砦環
惹步花嬌紅隔水
催

詩兩猛黑沈山樵歸斷岸歌初歇僧坐高窗意自閒十載
倦遊今憶否檐聲百道急潺潺

書生

豈爲書生眼力殫雲霞變滅太無端人前漫擬爲雞口身
後憑教幻鼠肝多病方知無病好辭名還比得名難榮枯
莫問南園樹紅槿蒼松一例看

嚙語二首

成羣龍鶴戲遙空兩耳奔雷兩腋風雨落人閒天自碧日
穿地底海先紅三千世界浮沈外百億人家睡夢中遊到

猖狂誰不快雲將何事問鴻濛

歌哭聲從下界來紛紜變幻總堪哀驚人富貴隨朝露名
世文章有劫灰何處仙山開洞府更番平地起樓臺願將
海水爲醪醕萬眾齊傾漱盞杯

夢觀海

有序

目病七年輒思乘扁舟浮江湖縱其所如滌煩襟
指病眼區區池沼之水不足療之一夕夢觀海覺
而病頓減丁壬相勝理有固然顧畏風特甚所居
室窗無隙壁無縫簾箔不捲出外數武必以帕蒙

首院中花木且不得任意俛仰安能裹糧乘槎爲
物外遊哉長抱奮滿之疾莫移成連之情偉哉造
物將以我爲此拘拘也口占一詩聊抒鬱悶

蓼落滄洲外涼生火宅中魚遊防失水鷓退不禁風盡日
尻輪轉浮雲眼界空卻從清渭北遙想大瀛東

除日二首

放學兒童作劇歡先期小婦整辛盤當窗几淨支頤久開
瓊醪香忍口難一事無成人已老新春將到歲仍寒來朝
詎必殊今日且把光陰仔細看

兀坐匡牀歲幾更楚弓得失不須爭鮮明壁上宜春字嘈
雜門前索債聲鏡聽有人臨竈舍饒歌何日奏邊城時里有從
軍者從征豈少飛來將冒雪中宵斫賊營

古柏

搖落休爲草木悲幾經顛顛幾芳菲慙余白髮三千丈對
爾霜皮四十圍餌會丹砂仙訣誤功名青史壯心違名山
著述談何易獨自高唵向夕暉

蘭

誰培九畹楚江皋坐使羣芳等艾蒿詎必沅湘饒異卉只

緣屈宋有離騷蓬門苦砌經春寂露葉風莖結想勞安得
畫師□□座閒乘興一揮毫

乾州瑛贊臣簽判以西河水見惠色清味甘郡城所

無詩以致謝

三首

使君如此水廉讓久知名潤物妙無迹出山依舊清殷勤
憐病客涸注愧深情珍重煙霞味連番餉木罌

鑪煨楮拙伴冬烘蟹眼煎湯候小僮簽判竹符能調水詩
人茗盃快生風晨炊開甕寒泉碧午坐臨窗煖日紅料想
衙齋同此味讀書聲嬾篆煙中

胸中涇渭知君有舌底淄澠愧我疏
千畝誰嘲饒與可一杯堪傲渴相如
酸鹹殊嗜人休笑澹泊論交味有餘
若助詩情應不淺累他風雪灞橋驢

天然香

二首用西河水煎秔米爲粥有自然之香因以爲名

郡西得甘泉江南有香稻飲水不嫌貪
炊米安用巧大美本天然不雕乃爲寶
閑居一事無惟取三餐飽叱咤立可
辦清芬襲幽抱滿腹貯瓊漿何處著
煩惱但愁火候差坐使風味少果甘
就樹嘗茶美忌湯老諄諄戒庖人煎
熬法須曉開鑪汝無遲下箸吾及早
卽此悟文章急就自然好

肉味如軒冕快意紛相逐酒味如園林勝境良可託茶味
如風月閒情隨領略穀味如詩書澹極有真樂此樂知者
希相遭多冷落讀書不知味枉自勤伊喔食粥不知味但
取療饑渴至寶在眼前舉手忘采掇造物豈有吝世人自
不覺我今兩得之此福端不薄誓將分餉人心解口難說
閉門生計足開卷病魔卻讀罷飯雙弓鼻觀米香撲一盃
橫兩箸盤餐不必設豈無園中蔬真味恐見奪愛此清且
敦奚羨珍與錯迴憶蔽根時尚非真澹泊

題盤屋尉曹我妃蹋瓊噍卷後

四首

幕府詞人老關山一卷中金臺新作客玉塞舊從戎尊酒

孔文舉詩名姚武功開編憑朗誦可否愈頭風余久患此病

天意如人願閑曹位置偏養生非藥石娛老是林泉季直

談經處蘇公捧檄年仙遊潭上寺待唱小遊仙

白傅高吟罷誰能步後塵此邦有仙尉千載兩詩人五柞

漢宮毀雙松唐代春雙松別墅為香山尉整厓舊蹟我配新葺之載披長慶集

賡唱愧元稹

我亦耽吟咏山齋臥白雲疏慵翻愛病唱和久離羣夫子

文章伯平生翰墨勳自憐雙目眩百倉枉辛勤目管未痊不能披閱

令阿莊雜誦
口授評點

旱

敢說憂天下無方拯一隅
野苗知己盡園杏看將枯
赤日燒阡陌黃埃漲路衢
行人猶望雨況我是農夫

樂遊原

燕臺北望暗傷神
十載名場閱苦辛
獨立蒼茫秋萬里
樂遊原上倦遊人

喜雨

早暎秋復春
驕蹇日如火
寒食節初過
行人衣半裸
塵埃

填路衢輪蹶無坎坳雲出時鬣鬣天際崇駮駮隨風倏已
散欲雨輒不果州督虔禱祈山靈鑑勞瘁甘澍俄隨車生
機捷轉柁焦原盡澆漑溼雲尚堆堞連番膏澤加從此人
心愛人心詎有厭神貺今已頗泠然做書幃兀若汎漁舸
檐澗急衝撞階石增璨瑳苔徑走防滑葦籬驚忽鞞霽色
彌清妍春光餘淡沱枯草萬金鉤新篁抽箭筈市近人語
謹樹密鳥聲夥枝閒猶有花瓣落成朶撫景益流連向
人仍婀娜蜨曬粉未乾燕銜泥偶墮積水涵澄鮮虛堂洞
衍開添衣還禦寒振書免揚堞披唵聊自娛俛仰無不可

隨意脫巾行有時面壁坐坐類任公蹲行似良夫跛

脾病不敢

兀半坐即抱膝作蹲踞狀股久屈起輒麻木行數武後乃復初豈有身外身忽訝我非我

我性本疏狂半生困韁鎖汲深乏修綆鬪辯輸矢輒久屈

蠖難伸一病蠶自裹旅食炊紅杭村居曠青粿邇來耕研

田差免嗟飯顆梁稌有餘甘糠粃須盡簸野客餉蔬筍園

丁進果蔬所期秋稼登豈獨富人哿庚癸幸無呼筋骨不

妨惰自樂羨鷓鷯未許輕么厖卽此意良足從前計殊左

布衣憐杜陵滄江憶青瑣

示慎莊

男兒志氣薄雲霓
襖褐金貂到眼齊
若把衣裳鬪光采
九皋禽合讓山雞

杏

不雨經年杏半枯
幾枝垂實幾枝無
一丸偶向風前墮
賺得兒童競守株

黑鸚鵡 三首

廚人捕得鳥大如鵲
而黑齜距皆丹性極馴
喜人撫摩不知其名
強名曰黑鸚鵡

衣裳鬪鸚鵡
齜距似鸚哥
欲把金籠貯
其如不語何

金籠非所願有語不如默記得道家言守雌兼守黑
暗入緇帷裏時行墨沼旁一般好羽毛合伴雪衣娘

聽李薇生秀才

應垣

彈琴

三首并序

琴理難名所能言者昔人言之矣將摹繪其聲而
樂天琵琶行昌谷箜篌引久爲詩家窠臼雅不欲
蹈且惡見其定爲琴聲也初唐詩人多宗文選沿
襲久之幾乎千篇一律少陵始爲變體縱橫往來
自抒胸臆一洗從前拘攣之習昌黎益以崛彊不
肯寄人籬下至東坡則嬉笑怒罵盡成文章極變

化之妙有詩云作詩必此詩定知非詩人此二語
乃無等之呪後人有議之者吾固知其非詩人矣
我輩生古人後不得不變而變通之法仍於古人
中求之非真能自闢門徑也

相對悄無語傳神在一琴看今操縵手知爾讀書心曲裏
宮商換意中山水深秋陽尙驕蹇爲我召甘霖
擣衣思婦曲唱晚醉漁詞此調已非古俗人仍不知正聲
在天地眾籟自壘篴今聽成連操子春情頓移
論文如聽曲真賞杳天涯下筆自千古著書成一家新篇

愁刻目奇句苦著牙不遇賞音者且彈箏與瑟

題畫馬

尾鬣飄蕭百戰餘昭王臺下舊馳譽九邊長願狼烽靜甘
向農田駕糞車

尋詩

半晌尋詩枉費才無心拈得笑顏開深山處處生靈藥多
少樵人覓不來

荷花

水面風來送晚涼霜鷗雪鷺認微茫夕陽纔下月將上獨

立黃昏聞妙香

此身

此身疑臥沙棠舟涼月滿窗雲水浮僮僕和衣爛漫睡江
湖入夢逍遙遊北鄰歌管飲方劇東院紡車鳴未休若把
榮枯兩相耀竹閒熠熠看螢流

讀騷

豔絕休誇宋玉辭騷人空自苦唵思人家百萬荆臺下閱
盡秋風不解悲

古別離

花時不得酒有酒苦無花酒熟花復開主人天一涯

王石谷瀟湘秋霽圖爲張鹿樵舍人珍藏馬秋葑師

見而奪之十五年前時得展玩真神品也

三首

萬里吟情入楚天瀟湘晴瀨九疑煙一般山水心偏醉曾
讀離騷二十年

通靈妙筆少人傳相病何堪見兩賢不寫溪山寫花卉人
閒別有憚南田

吾師胸次絕纖埃金攫劉叉主不猜坡老最耽韓幹馬仇
池不去馬難來

早起

窗雞猶未唱街鼓已停撾
突兀當門樹鏗轟過市車涼風
透衣袂斜漢落鄰家開卷殷勤讀
年光赴壑蛇

憶仙遊寺

夾水寺相向界空山四圍窮陰餘古雪未暝失斜暉
郢匠掄材入採木者多楚民秦醫采藥歸上方風露冷借著老僧衣

老僧偏愛客清課罷繙經竹院鳥聲樂茗甌龍氣腥參差
新石塔寥落古碑銘我欲山中住長鑱采茯苓

中興寺

仙子簫聲隔杳冥洞旁藥卓扇餘馨瓊泉似盎寒仍滿石
室無書夜不扃秋水長如春水淥近山卻讓遠山青壁間
不藉荆關手面面林巒列畫屏

香積生煙爨溼薪客堂冷落坐無茵佛門也似人閒世南

阮豪華北阮貧

中興寺與仙遊寺相對而中興規模獨狹
香火蕭條僧亦貧窶方之南鄰一集苑一

集枯
矣

人師

富貴爲人師公門盡才雋紛紛載酒來一字不曾問

咸陽原上作

西風獵獵戰蒿萊，畢郢原荒木葉摧。
曠野無邊單騎走，長空忽暝亂鴉來。
碧雲迢遞人千里，訪姬杏農不遇青史功名土一
坏。漫把文章誇不朽，百家書已變秦灰。

金二首

萬般能割愛，誰解賤黃金。
壯士登牀色，文人諛墓心。
舉世爲君死，九原無悔心。
天公太多事，生此不祥金。

村南晚步

塔頽猶有根，廟破久無門。
積水明前路，炊煙煖一村。
幽尋拌獨往，偶語共人蹲。
料得香秬熟，歸家趁夕飧。

瓠落

瓠落今安用浮沈二十年
鵬宜招鷄笑竝竟有夔憐天下
事難問古人名幸傳鱖魚風味好
早上釣徒船

重陽前三日作

秋深寒淺未聞霜
籬菊無花野菊黃
對酒便須拌一醉
登高何必待重陽
新來僮僕呼先到
久別賓朋姓亦忘
詩境自知多坦率
題餽安敢笑劉郎

九日登乾州城樓

烽櫓峩峩睥睨雄
川原繚繞入空濛
人家禾黍高低外
鄉

社粉榆指顧中萬里無塵西去馬長天如水北來鴻十年
病客科頭慣何處龍山落帽風

舉杯

舉杯欲飲意還慵酒薄難澆磊塊胸空有聲名能嚇鼠悔
拋歲月學屠龍六鈞弓挽輪豪士百畝田荒愧老農說與
兒曹須解事但栽楊柳莫栽松

西村

花港波明竹嶼昏清流幾曲到柴門高田一稜路旁路矮
屋數家村外村浣女歸時衣半浣釣師坐處石猶溫稻梁

聞說今年稔濁酒同傾老瓦盆

藐姑射

神人舊住藐姑射呼吸風露乘雲耕塵世滄桑太草草洞天鬢髮長青青金高南山竟安用酒酌北斗還獨醒妙道何曾在糠粃人閒枉誦黃庭經

葫蘆

坐臥葫蘆下不見葫蘆長幾日不曾看葫蘆大如盎

周貞木同年以令弟詩冊屬評夜閒開卷呼鐙執火者不謹誤墮卷上燒痕徹數層其字迹尙可髣髴

既加墨戲題一律

開編光氣早熊熊不信文章用火攻拍案有人驚爆竹聽
琴從此識焦桐甲穿七札餘痕在字蝕三仙會意通見說
咸陽秦燄烈至今六籍徧寰中

清寒

檐外萬里青冥天衆星錯落當窗懸清寒一榻夜將半聲
欵隔牆僧未眠人事推遷鼠變虎世情高下夔憐虻擁衾
孤坐意良快何用更參枯木禪

寄家兄文泉

兄生平未肄風騷今年六十有二詩興忽發連作
長篇雖聲律未嫻而風骨清遒有灑氣無靡音兄
聰強健步家居無事輒遊行村塢閒日不下數十
里食後遇有近局之招欣然往飲啖如常時臨睡
覺饑猶能啖餽肩牛馘不問寒煖不論火候放箸
就枕鼾聲如雷德見之寒心輒諫止不聽然亦無
恙勝壯弟多矣今復好爲詩歌想見神明不衰興
致增倍蓋壽徵也

達夫五十好吟詩老健如兄興倍奇池草神來春夢裏梅

花香放歲寒時白雲蒼狗憑人幻綠酒黃雞戒飯遲堪歎
子由今太瘦花豬味美不曾知

憶六妹

男錢女布費持籌天壤王郎說且休但忍須臾眞上策誰
生瞑怒向虛舟靈參有效梁公慰妹患痢百藥不效余
寄高麗參服之旋愈葛無書杜老愁病況羈懷兩淒絕曙窗燈炮雁聲秋

張忠烈公視爲曹莪妃少府作

有序

公名煌言字元著號蒼水鄞人明末孝廉從錢肅
樂起義奉魯王監國兵敗遁入舟山是時王

師已破舟山遂與魯王赴閩值唐王據閩建號改元授公兵部尙書公不就職是時惟鄭成功之兵最強當三藩謀逆王師征滇公與成功率師

由崇明入江傳檄江左右各有應者卽與成功謀分師竝進公趨江左令成功由丹陽先據金陵後聞成功兵敗公遂棄師潛逃至四明之大蘭山結寨旋率義兵赴閩欲與成功合謀察其已有異志遂赴舟山於鹽倉畧之鹿徑募兵屯田及魯王死於閩公始散師與友人楊貫玉僕□□至象山島

中結茅官偵知之公遂被檢逮錢塘獄臨刑至江
上曰好山色作絕命詩友僕亦同殉焉公詩稿以
布囊貯之獄卒取囊焚詩知者止之僅存五首名
曰布囊焚餘公葬於于岳二墓之間乾隆四十一
年 賜諡忠烈嘉慶時阮芸臺先生撫浙爲立
碑焉

涇渭東流似奔馬客到秦中訪秦瓦張公破硯出市中

義

於長安市上
得公遺研

經年未售識者寡曹君一生耕硯田得如拱

璧珍拳拳道此本是故鄉物

張公鄞人少
府卽浙人

二十四字蒼水

鐫硯有張公自題銘辭其二十四字銘曰投鼠支薪楚

人得弓意殊快無心相遇真天緣昔年義旗豎海上軍敗

烹龍志猶壯公兵敗遁入舟山即今定海舉舟師奉魯王

乃訛所化頃刻風雷大作各舟魯王已死唐王孱坐使孤

臣氣彫喪逃迹自擬螻身藏乘勢還思螳臂抗白蟻無聲

健兒入枷鎖香風吹習習公至象山島中結茅屋後有大

卽鳴公得乘舟而逃當道者數年不能得公有舊卒爲普

佗僧者常至公所蟻所熱議僧至不鳴官偵知之誘僧先

往而以兵隨何人伏鑽尙從容笑看錢塘好山色錢塘江

上一坏土右鄰忠肅左忠武公詩有日月雙懸于氏墓乾

葬公於于椒漿恨未酌忠魂手澤今朝快一撫國破安用
岳二墓開身獨完此硯與人同膽肝趙璧拌教碎秦柱玉帶詎肯隨
黃冠滄桑變換二百載到今墨繡猶斑斕君不見虞山甘
作長樂老貳臣傳裏名難刻梅村祭酒號詩史惜哉所欠
惟一死張公大義心炳然玉碎終知勝瓦全此硯他年返
粉社士林佳話爭流傳雙松別墅好風日
墅爲香山尉蓋
屋時舊蹟少府 趙仙尉開軒布唵席錦軸新裝松雪書牙籤更檢子山集
會須移向別牀攤莫近張公一片石

結茅誰識故將軍樹杪哀蟻不可聞俎豆未修余闕廟松

橫今傍岳王墳市中有客收遺硯海上當年草檄文見說

睢陽聞笛句至今傳唱徧江濱

公有聞笛詩房傳於浙

詞人幕府舊從戎磨鐵生涯汗馬功久客未收秦苑瓦他鄉還得楚人弓孤臣事業拌投鼠仙吏風流寫戲鴻笑我搜羅空有願吉金樂石滿關中

也思籌筆立奇功其奈天亾數已窮勝國河山無半壁孤臣枷鎖有香風飛騰龍氣洪濤外慘咽蟻聲絕島中此日文山畱玉帶新題又徧大江東

大廈難支喚奈何

公臨命詩云大廈豈能支成仁萬事畢

不堪回首舊山河

臨風灑盡孤臣淚，滴向麋丸一併磨。

楚囚豈肯著黃冠，投鼠支牀意等閒。何事舟人學炎午錢

塘江上祭文山

公被檢後渡錢塘江有舟子鼓櫂而歌曰此行莫作黃冠想靜聽先生正氣歌

繫獄猶題絕妙詞，布囊一炬使人悲。絳雲樓上文成帙，不及張公五首詩。

張福泉秀才畫葡萄一幅題詩其上有不敢妄邀聲

價重龍門可許我同登之句，作三絕句答之。

見說葡萄酒披圖，飲興來勸君勤醞釀。注我夜光杯，重門鎮日開往來。凡幾輩願登君自登，君豈龍門外。

河洛研精久高談首所聞君通日者言文章有定價不必問靈氛

浩歌

冠蓋亂如織雲外旌旆搖孤城當孔道日夜無停鑣連山
亘修蟒埃壘何時銷病客掩關臥一枝巢鷓鴣幽居足閒
曠九夏忘炎歊忽忽交晏序景物同蕭條蕭條趣亦佳闌
若臨僧寮珍木繞庭砌抱甕曾親澆花時有香送花落從
風飄飄向何處茵溷隨所遭人事盡如此前路昏迢迢
安排竟何益徒使方寸撓有河不必過安用河上橋有酒

不必飲安用樽中瓢有清吾不釣有山吾不樵不彈安用
琴不吹安用簫風霆響俱幻何者爲雲韶抵柱趙璧碎彈
雀隋珠拋區區安足惜萍梗隨波漂滄溟有時涸山岳有
時焦乾坤有時毀萬古如崇朝羣生良有涯逝者誰能招
榮枯兩相倚奚分松與茗愛憎兩無著奚分鸞與鴉破鐺
煮黃梁便腹何曾枵此外復安求生意吾已饒羊裘尙不
御豈羨披豐貂柴車猶可懸豈羨馳星輅有客物外遊爲
我登山椒手掇紫芝實寶貴逾瓊瑤道此萬金藥餐勝三
樞苗卻病兼卻老駐景齊松喬松喬杳何許方士空嘵嘵

東望弔劉郎茂陵青岩嶢病魔爾何物妬我榮衛調既困
左邱目更減東陽腰久侍頑僕叛小愈庸醫驕輾轉竟七
載伴我晨復宵含沙戩巧射處井蠍猶跳潛匿類蚤蝨煩
擾紛蟾蜍憶昔汝初至原火驚乍燎今汝技止此冰刃行
將消鍼鋒不汝刺艾火不汝燒汝去吾不送汝來吾不邀
惟將七尺軀敵汝魅與魑我軀縱違和我心良逍遙我心
竟何似皎月懸碧霄萬象盡澄澈四圍空沈寥哀哉紅塵
中來往如奔潮聞時一傾耳天下何囂囂萬緣付一掃情
怡神愈超大笑向魔說諒汝今無聊孤鳳渺千仞弋者真

徒勞不信聽我詩
朗誦臨清颿我詩
非我作聞之於參寥

汗漫歌

不爲汗漫遊聊作汗漫歌
遊樂歌亦樂不樂當奈何
莫作東流水奔赴碧澗無迴波
莫作西澗石爲砌爲礎爲白窠
水上漚石中火春雪不成花
秋雲不成朵萬事虛飄飄
世人徒瑣瑣今日貧兒昔年大賈
今日老嫗昔年嬌女
今日原野昔年樓臺
今日樓臺後日蒿萊
東家嫁子西娶婦
百年百倍添嬰孩
海內之地不加廣
衣食難給爭喧豕
天公無策富媪窘
水旱兵燹紛降災
亦如草木歷四序
雨露灌

漑風霜摧地下何所有縱橫枕藉惟枯骸舊者未朽新者
埋漸多不能容化爲塵與灰人生未死且銜杯功名非真
才非才努力學古人古人於今安在哉嗟余中年邁沈痼
辭闕歸臥南山隈幽幽窗戶日復夜三百六旬甘長齋封
侯萬里望久絕欲騎款段緣猶垂頭風讀檄那可愈女丁
婦王情不諧目中連日絡紫電舌本一夜生青苔呻吟纔
歇歌嘯起妄思一卷垂鴻裁名山縱有不朽業飯顆未免
來嘲談又沉千年萬年後安知更無祖龍盡燒絕根芟仙
人空際撫掌笑笑我何不心顏開人閒哀天上來紅鸞白

鳳向前導羽衣雜，
還禎霞堆青冥，
有路不知遠，
瓊花萬樹雲皚皚。
花裏羣仙半相識，
欲呼姓字心仍猜。
天風吹我酒紅鱗，
疊金疊更番唱酬，
不覺醉往來，
一任羲娥催下視。
山川城郭不可辨，
但見滾滾一氣翻黃埃。

詠石 五首

一種煙霞氣，
滿身苔蘚花。
出山須鄭重，
莫入太牢家。
切莫懷瑜瑾，
人將破汝堅。
不如頑到底，
閒處作神仙。
西嶽石蓮花，
人言倚天外。
若從天外看，
不過一拳大。
點石成黃金，
神仙術亦謬。
願金盡爲石，
天下無貧富。

崢嶸如虎蹲萬狀鬱奇怪傲殺米家翁不曾答一拜

開卷

開卷久相對千秋放眼看古人心不死天下事無難螻蟻各求穴蛄蟻空轉丸長風九萬里誰見大鵬搏

讀罷

綠蘚巖扉白晝扃略餐芝朮便延齡仙丹止合神仙用傳到人閒便不靈

鮑子遠昆季四人同作一題子遠文最工余以伯仲次其甲乙因題一絕

一家四器盡琳瑯不信文章亦雁行記得五常稱馬氏當年卻說白眉良

徐晴圃方伯六十壽詩

代

有序

疆圉大淵獻之歲月維嘉平節交孟陬爲晴圃方伯公六袞令旦僚屬賓從咸祝麥邱維公中樞外臺敷歷卅載文章經濟朝野僉聞昨歲龍塞師興軍書旁午繁劇鞅掌寅夕鮮暇顯允克壯神明弗疲以公之聰彊卜公之萑祿將以翊贊昌圖含茹元化翔機集祐方興未艾縱罄臺研之汁莫繪卿

景之象維是公再莅鶉首前後持節綬靖康阜政
洽惠深某近宰劇邑曰侍鈴閣班條理務之會凝
香森戟之間幸聆誨言與知政要聽覩較親臍飾
弗取候蟲時鳥懷響斯宜敬賦六言律詩二十章
用代觥頌其辭曰

屏翰職兼鎮撫五千仞嶽崔嵬岼幪眾託仁宇黼黻光連
上台朱鷺凱歌西奏青牛仙靄東來躋堂稱兕同慶請賦
南山有臺

七十二沽春水文瀾瀉入胸中佩觿早步芹沼持斧高修

桂宮聲價燕臺增重騰驥冀野羣空
天潢貴胄多少爭

向公門坐風

公會教習覺羅

程門月旦稱最李賦日華有暉過眼交推黃絹點頭偏靳

朱衣未從杏館探杏旋向薇垣對薇始信文章特達玉珂

鏘到

綸扉

由舉人書軍機章京

賞中

朝章甲部丁部制誥燕公許公校獵山莊秋霽時巡

津淀春融黃麻草起燈下赤管花傳夢中
眷倚非關報

最姓名早記屏風

西征上將專闔帷幄還資仲宣磨盾書成露布揮毫埽卻

烽煙鄭畋文不淹暑陸贄思如湧泉節鉞他年重寄先聲
早肅戎旃

河壩橫亘淮甸樹杪風聲水聲土壤勢防蟻漏田廬力與
龍爭千夫波上雲集萬炬雨中電明嘉績上紆 皆旰府
修允奏平成

衝突問羅剎岸度支糜水衡錢穴濫久沿成例剔除端賴
名賢權通漢代三策財阜虞廷五絃坐使黃流順軌星槎
穩泛張騫

憶昔徐方守禦蚩氓如沸如羹鳴雞山下霜冷戲馬臺前

夜驚隘塞須防閒道嚴疆賴有長城胸中兵甲何限反側
潛消未萌

緋驂更攝紅籀到處人歌帝棠南嶽曉開霽色西江秋汎
清光坐令雀鼠無訟未許烏鸞竝翔莫怪觸邪嚴甚烏臺
早冠神羊

共道揜渠受賞誰知厲鼎求售妄思指鹿爲馬竟敢牽羊
易牛折獄端資明允先機早判薰蕕一輪慧日光皎何事
然犀渚頭

平反邵陽令
誤拿逆犯事

清釐山左財賦揀弊先須止姦守牧相期廉善侵漁特警

貪頑安毗四黠三黼庇士千閒萬閒風化尤崇至教宮牆
新換朱殷

八閩曠悍成俗蠻觸無端結羣鑄錯獄多李代還珠價輒
瓜分鏡堂未許藏影刀筆何從舞文苗莠於今立剖海壖
共庇慈雲

曉日關關四扇旬宣初莅秦中六條官府澄敘九穗農田
屢豐澤溥乙山南北風恬午谷西東優優敷政奚似譬彼
衡平鑑空

尤喜福星再照秦人巷祝衢謳銛鋒適遇盤錯軍國端資

運籌羽檄紛馳戍校牙璋絡繹庚郵

九重塵念西顧

統攝重登節樓

節度方移隴右指揮尤重關中鄼侯漕轉無誤范帥師行
有功萬里聯爲指臂千軍迅若雷風貔貅過境忘擾豚酒
依然歲豐

承

恩別有殊遇持節還兼總戎苗黍旣霑雨戈矛

載咏秦風歡騰春浦鳧藻采絢朝陽鳳桐猶憶長楊校射
弁端翠羽蔥隴

山國特勞籌畫固倉倍重偏隅蓋藏有備無患緩急不時

可需民賣犢刀牛劍士遊鹿洞鵝湖土膏尺寸無曠併作
書田上腴

政成憲府多暇才略從容少雙腰箭閒臨射圃攤書靜對
唵窗平泉春藹花木戎闔風清戟幢綵舞更饒樂事即君
健筆如杠

翟苒輝揚盍費蘭闈瑞應媠星調羹對舉鴻按馨膳偕趨
鯉庭 天上芝泥絢紫風前柳汁彈青孫曾四代歡洽
藻耀丹山鳳翎

崧生方喜周甲斗轉重逢降寅人仰當頭卿月公真有腳

和聖會言集 卷二
陽春谷中黍律初應閣外梅花正新平格還資分陝歡歌
共効吹豳

題戴髯求我圖

幾番閱歷幾沈吟點石如何便作金百計營求都是錯不
如還問自家心

濟苦扶危頃刻中神仙法力本無窮人心都有神仙在卻
說神仙在寺中

受盡深恩不感恩施恩人卽受恩人人恩雖小終須報稍
欠毫釐人便瞋

有山未許隔無橋也能過識得本來心
兩人原一箇有事難推委無言已盡知
橋邊屈膝處山上點頭時

贈王在揚

放歌何激烈醉態看王郎共說家雞賤
誰知國馬良江湖甘落拓郊島有文章
聞道豐城劍曾騰夜夜光

小遊仙詩

畫地成池半頃餘紅霞千丈擢芙蓉
花閒撥刺君知否喚到琴高赤鯉魚

月殿秋高廣樂張仙娥分隊舞霓裳
桂花深處微風過知

是花香是酒香

金鼎丹成祕不傳等閒拔宅便升天
狺狺尚有當門犬卻向雲中吠拐仙

仙侶看花降碧虛洞門雜沓羽輪車
無端喫盡煙中草老子青牛果老驢

爲訪名山得得來偶逢白石坐青苔
多年不誦降龍呪說與潭心莫浪猜

笑向紅塵躡躡行金銀諸闕隔蓬瀛
調來法曲無人聽勉作人間絲竹聲

題歐陽文忠公文後

千秋著作幾通儒
擬韓公海擬蘇
看到雨晴濃淡處
先生文境是西湖

殘碣

誰訪遺文剔
辭斑荒堦終古翳
榛菅羨他一片韓陵石
曾對江南庾子山

種花

雨防久漬旱防乾
夏避驕陽冬避寒
說與園丁須仔細
種花容易養花難

周年急景情緒無
寥院中棠梨桃杏之屬
枝幹蕭槭有類枯槁
諦視枝頭若粟若麥若豆若筍梢若果核攢簇無數剖之其中層層包孕生意盎然蓋來年花葉也

葉盡枝空凍欲摧
隔年紅紫見胚胎
若非早受冰霜氣
縱有東風未必開

偶作

觀理苦未澈
曠喜每顛倒
寒極暗生春
雨甘或成潦
得餌魚方樂
移鐙蛾反惱
木屑未可拋
尺璧豈爲寶
當時若早

知一生更何擾園花百餘株栽培戒草草但愁攀折多不
愁觀者少但祝花落遲不祝花開早

再傳弟子芮城張文藻校字